



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. VII. Castissima vixit. Quàm castè Maria in terris vixerit, figuris ac
similitudinibus deducitur.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS VII.

Sancta Dei Genitrix, castitate Angelos superavit, & homines.

IN virginitatis Mariæ laudem canit Sponsus immortalis. *Odor unguentorum tuorum super omnia aromata.* Cant. 4. Aromate nimirum olim corpora mortuorum condiebant, ut saltem à vi odorum aliquod vitæ simulacrum conservarent; ad condiendum Jesu Christi Corpus cæteræ mulieres sua attulere aromata, Virgo tamen Maria nihil unquam aromatis attulisse legitur, quia castitatis ejus odor, quæ Virgines superavit, & Angelos, super omnia aromata erat ad incorruptionem Virgineo corpori conservandam. S. Ambrosii hic sensus est. lib. 1. de virginitate Virg. ita scribentis. *Vide quem nobis tribuas Virgo processum, primus enim odor tuus super omnia aromata, qua in Salvatoris missa sunt sepulturâ, & mortuos corporis motus, membrorumq; redoleret obuisse delicias.* Cur ex incorruptâ Virgine, Pater futuri sæculi nasci voluerit, causam ingeniosam reddit Richardus Victorinus. lib. 1. de Emman. cap. 12. ut scilicet à Virgine castissimâ primum nascens immortalitatis pignus sortiremur. *Acceptit ergo natura humana in Beata Virgine quasi quandam arrham, vel primitias futura incorruptibilitatis suæ, integritatem incorruptibilitatis virgineæ.* Debeatur castitati huic præcellenti honos, ut per eam nobis, & Author vitæ, & immortalitatis pignus obveniret. Quam præ Angelis, & hominibus præcellentem Virginis Matris caltimoniam, & nos dignissimis SS. Patrum SS. Patres. encomiis exaltemus. *Degebat quidem in carne, conversabatur supra carnem, carnisq; molestias nesciebat, talis profecto erat, ut nulli usui servaretur, nisi divino.* testatur S. Laurentius Jus- s. Laurentius Justinianus, *Erat enim candidata multis* meri.

meritorum virtutibus, & dealbata nive candidior, dicitur
 Sancti muneribus simplicitatem columbae in omnibus reprae-
 tans: quoniam quidquid in ea gestum est, totum puritas, & sim-
 plicitas, totum veritas, & gratia fuit, totum misericordia,
 & iustitia, qua de caelo prospexit, & ideo immaculata, qua
 in nullo corrupta. scribit S. Hieronymus. tom. 9. epist. 10. de
 Assumpt. B. V. ad Paulam, & Eustoch. Angelicam deum in
 terrâ adeptam est puritatem, & Dei similitudinem; meritoque
 praeclatur pulchra, quae, & divinam, & angelicam similitu-
 nem in terris est adeptam. perorat Richardus à S. Victore. cap. 1.
 in Cant. Castello non incongruè Virgo Maria assimilatur, quae
 virginitas mentis, & corporis, quasi murus undiq; vallavit, ut
 nullus unquam libidinis ad eam esset accessus, nec sensus ejus
 S. Anselm⁹. quâ corrumperentur illecebrâ. discurret S. Anselmus. homil.
 per illud Lucae. 10. cap. intravit Jesus in quoddam castellum
 Non incongruè ergo Virgo Maria Civitas Dei appellatur, quae
 virginitas mentis, & corporis, quasi murus ita ex omni parte
 lavit, ut nullus unquam libidinis accessus adesset, & omnis
 S. Bruno. cus à suae virginitalis corruptione deesset. consentit S. Bruno.
 ferm. 1. de laud. B. Mariae. Quae est hac porta nisi Mariae
 clausa, quia Virgo. Porta igitur Maria, per quam Christus
 intravit in hunc mundum, quando virginali fuit partu. &
 genitalia virginitalis claustra non solvit: mansit intemerata
 septum pudoris, & inviolata integritatis duravere signavit
 cum exiret ex Virgine, cujus altitudinem mundus sustinere
 S. Ambro-
 sius. posset. subscribit S. Ambrosius. lib. de Institut. Virg. cap. 1.
 Concludit tandem Sophronius in cap. 2. Cant. Si diligenter
 aspicias, nihil virtutis est, nihil speciositatis, nihil candoris
 riq; quod non ex ea resplendeat, ideoq; benè eam circumstant
 flores rosarum, & lilia convallium, ut virtutes virtutum
 ciantur, & formositas candore castitatis augeatur. Quam
 nos speciosis Conceptibus augere possumus, gratiam Spiritus
 Sancti ab ea enixè flagitabimus.

CONCEPTUS I.

Thronum Regium sibi Salomon pretiosissimè exstrui, & ab optimis artificibus de ebore præparari fecit. *Non est factum tale opus in universis Regnis.* 3. Reg. 10. cap. Ars quidem miranda, magis tamen, de quâ factus est thronus, stupenda est materia; cur de ebore thronum suum Rex fieri iussit? An fortè thronus hic Salomonis de ebore factus est grandis, ut Verbi incarnati thronum animatum dignè præfiguraret? summam Virginis castitatem indicaret? Filium Dei, & Virginis, *sapientissimum Salomonem, Patris sapientiam,* intitulat Petrus Damianus. ferm. de Nativ. Virg. Sedes itaque regia, castissimum corpus Dei Matris est, thronus Salomonis de ebore grandis, Virgo Maria. Ita de eâ seraphicè scribit S. Bonaventura. orat. 1. de Nat. B. V. *Thronus verò Salomonis est Maria grandis in gratiâ, & gloriâ, ita ut nullus Angelus, nullus Sanctorum ei equari possit, thronus ille grandis, de quo dicitur: Fecit Rex Salomon thronum de ebore grandem.* Accinit Mariæ Sponsus Cant. 5. cap. *Venter ejus eburneus, distinctus Saphiris.* Quam igitur uterus Mariæ virginalis cum ebore connexionem habet? omni flore ac nive candidius, & omni ferro frigidius ebur est; throno Salomonis de ebore grandi comparatur immaculatum Virginis Mariæ corpus, quia flore ac nive candidius, castitate Angelos superat ac Virgines; venter ejus eburneus, quia ab amore hujus sæculi alienus, ferro vehementiùs frigescebat. Unde eam sic alloquitur S. Augustinus. ferm. de Incarnatione. *Tu tota pulchra, tota formosa, tota delectabilis, & tota gloriosa, tu maculâ nulla fuscâris, tu omni decore vestiris, tu omni sanctitate ditaris: tu super omnes virtutes sancta in carne, tu cunctas feminas vincis pulchritudine carnis, & omnes Angelicos Spiritus excellentiâ sanctitatis.*

CONCEPTUS II.

Experientiâ teste docemur, quòd, quidquid in profundis, & umbrosis vallibus situm est, nive candidius efflorescat; sic:

f. 3.

natus:

natus ab origine candor præ cæteris floribus lilia convallium commendat: sic profapia nobiles faminae umbram in vallibus, & refrigerium continuo quarunt, ut corporis albedinem conservent, & teneritudinem: sic susurrantes in imis vallibus rivi crystallo clariores elucescunt. In Mariam semper Virginem Spiritus Sanctus supervenit, & virtus Altissimi obumbravit eam. Luc. 1. cap. ac proinde natus ab origine candor castitatis ejus, supra Virgines effloruit, supra Angelos excellentior exiit: Ancilla Domini in profundissima humilitatis valle detruit, & in candidissimum lilium excrevit, cujus odor sanctitatis filium Altissimi in uterum virginealem attraxit, cujus humilitatem respexit Dominus, & plus quam angelicam castitatem. *Pulchra permixtio virginitatis, & humilitatis, excelsa* mat S. Bernardus. ferm. 1. super missus est, *nec mediocriter placet Deo illa anima, in qua & humilitas commendat virginitatem, & virginitas exornat humilitatem.* Ergo Lilium hoc candidissimum cum S. Ephrem reverentialiter salutemus. *Ave lilium convallium, & vallum fidelium, mundi, salu.* Item de laud. B. V.

CONCEPTUS III.

Arboribus homines Sapia incarnata comparat, & fructibus cognoscendos esse definit. *Ex fructibus eorum cognoscetis eos.* Matth. 7. cap. *Benedicta tu in mulieribus, & benedictus fructus ventris tui.* ait Elisabeth ad Virginem Dei Matrem Lucæ 1. cap. Quis est fructus ille benedictus in æternum? Jesus Christus, unigenitus Filius Dei, cui sapientissimus Regum Salomon debitu honoris titulum subjunxit. Sap. 7. cap. *Candor est enim lucis æternæ, speculum sine macula Dei Majestatis, & imago bonitatis illius.* Ex fructu Virginem Mariam cognoscimus si fructus Virginis, Jesus Christus, candor est lucis æternæ, Virgo Mater, lucidissimus sol erit, de quo candidissimus rutilus lucis æternæ exortus est Jesus Christus. Conceptui huic peritrociniatur S. Hieronymus, ferm. 2. de Beata Virgine. Si quis

genter inspicias, nihil est omnino Virtutis, nihilq; speciositatis, nihil candoris, & gloria, quod non ex ea resplendeat, erat enim multis candidata meritorum virtutibus, & dealbata nive candidior.

CONCEPTUS IV.

Sponsam suam de Libano oriundam Spiritus S. vocat. Cant. 4. cap. *Veni de Libano sponsa mea, veni de Libano, veni coronaberis.* Ut quid præ cæteris terræ locis, Libanum pro domo familiæ suæ Maria elegit? Libanum interpretatur S. Hieronymus. tom. 9. epist. 10. de Assumpt. B. V. ad Paulam & Eustoch. *Candidum ut nix.* Candorem nivis pro domo familiæ suæ Virgo Dei Genitrix elegit, ut vel ab ortu immaculatam, Virginibus, & Angelis castiorem, ac nive candidiorem esse intelligeres. Verba desuper. S. Patris percipiamus. *Quidquid in ea gestum est, totum puritas, & simplicitas, totum veritas, & gratia fuit, totum misericordia, & justitia, qua de celo prospexit, & ideo immaculata, quia in nullo corrupta.*

CONCEPTUS V.

De hac eadem sponsâ suâ canit denuò Spiritus S. Cant. 6. *Una est columba mea, perfecta mea, una est Matri suæ, electa Genitrici suæ.* An de spirituali Genitrice Virginis Spiritus S. loquitur? Quæ est ista? Spiritualis Mariæ Mater est gratia Spiritus S. *Seminator casti Consilii* in Scripturâ sacrâ Spiritus S. appellatur; pretiosissimum hoc semen casti Consilii, mundissimarum cogitationum, divinus seminator nulli creaturarum magis, quam sponsæ suæ Mariæ Virgini Spiritus S. largiter inservit. Doctissimè Idiota, de Contemplat. B. V. cap. 2. *Adest tibi omnis gratia, naturalium bonorum, spiritualium charismatum, & cælestium donorum.* Non ineptè Pfellus relatus à Theodoro. lib. 3. in Cant. *Electa columba est una illa sola, qua puritate profectò Cherubin, & Seraphin antecellit, qua Christum genuit Virgo Mater, puella Maria.*

CON.

CONCEPTUS VI.

Sub pedibus Virginis lunam vidit Joannes Apocal. cap. 12. *Luna sub pedibus ejus.* Lunam luminare minus in Firmamento cœli Deus posuit, Gen. 1. cap. Cur ergo non supra caput Virginis luna cum stellis apparuit? Cur sub pedibus Lunam inconstantem, maculatam vicissitudine obumbratam, ac decrescere novimus; ut ergo Joannes in Virgine, quam viderat, Mariam maculam non esse, agnosceret, vidit lunam sub pedibus ejus, quæ tota est perfecta, tota immaculata, cuius testimonium reddit sponsus, Cant. 4. *Tota pulchra es amica mea & macula non est in te.* In quæ verba scribit S. Laurentius Justinianus, serm. de Nativ. B. V. *Ipsam Spiritus S. custodivit à vanis colluvione immunem, à libidinis delectatione expertem, à sæculi amore alienam, atq; ab universorum criminum contagio immaculatam: tota pulchra absq; delicto, sine mentis, & corporis deformitate, Deo, & hominibus amabilis habebatur.*

CONCEPTUS VII.

Rosæ in Jericho seipsam comparat Virgo Maria Eccl. 24. cap. *Quasi plantatio rosæ in Jericho.* Cur non lilio? an simplici rosæ? Quid speciale habet rosæ in Jericho? S. Basilii lib. de verâ Virginit. docet, Ægyptiis rosam, virginitatis signum fuisse, rosæ itaque se comparat Virgo Maria, ut plantatam in eâ virginalem, imò & angelicam castitatem intelligamus. Rosa in Jericho reliquas rosas odore, decore, & colorum superat pluralitate, albi enim, rubei, & purpurei coloris est, & ut observat Richardus à S. Laurentio, 12. de laud. Virg. *Folia habet centum & quinquaginta.* Maria Virgo quasi plantatio rosæ in Jericho, quia castitate candida, charitate rubea, humilitate purpurea, odore virginali, decore angelico, & meritorum pluralitate cæteras rosas, Virgines superat & Angelos. Hæc mens est S. Anselmi de Excellent. B. V. cap. 10.

Puram sanctitatem, & sanctissimam puritatem pectoris ejus, omnem omnis creatura puritatem incomparabili sublimitate transcendit.

Gloriosam cœli Reginam, in vestitu deaurato astantem à dextris Dei, vidit in spiritu suo Prophetico Regius Psaltes. *Astitit Regina à dextris tuis in vestitu deaurato, circumdata varietate.* Plal. 44. *Aurea vestis casti animi ornamentum est.* perorat S. Gregorius Nazianzenus. *Astare auxiliantis est.* inquit Richardus à S. Laurentio. Dignissimè ornata auxiliatrix nostra, castissima Virgo astitit à dextris Dei, in vestitu deaurato, eò videlicet fine, quem lacteis verbis assignat S. Bernardus. *ferme de Assumpt. Ut efficaciter salutis nostra negotia pertractaret.* Mariam igitur devotissimè invocemus, ut potenti ejus auxilio freti, castitatem statui competentem servare, & sponso Virginum feliciter sociari mereamur. Amen.

*Sanctos mente piâ superasti sancta Maria,
Castior existis, mentibus Angelicis.
Ergo Dei Genitrix, sis illis auxiliatrix,
Qui te sanctè colunt, vivere castè volunt.*



g

DI